

uf seines brueders bit zu sich genommen und den edlen
knaben uf sich warten lasen, auch sonst mit dem narren
und dem englischen hundt vil kurzweil gehapt. Es were
aber nit lang angestanden, als der bischof mit dem eng-
5 lischen hundt gailen wellen, were der hundt erzürnt worden
und den bischof durch ein handt gebissen, das er mit dem-
selbigen schaden jar und tag were umbgangen. Zu einer
andern zeit het der bischof mit dem narren wellen schimpfen,
were der narr in ein solichen laun kommen, das er den
10 bischof unversehenlich mit der faust ins angesicht geschlagen,
und were der strach so wol angangen, das er dessen schier
umb ein aug kommen. Dem edlen knaben aber het der
bischof gar wol vertrawt, der het sich in abwesen des bi-
schofs zu seiner beschliesere oder liebhabere gelegt und het
15 ir ein kindt bevolchen. Als nun über etliche zeit pfalzgraf
Friderrich wider user Hispannia zu landt kommen, het im
der bischof den narren, den hundt und den knaben wider
zugestellt, darneben bericht, wie er von inen allen dreien
tractiert were worden, mit dem anhang, waver er die weiter
20 verstellen, das er das bei eim ändern versuchen megte, dann
er würde sie weiter nit annehmen oder behalten.

Graf Götfridt Wernher wolt kaine katzen umb sich ge-
dulden, sonderlich aber wann er afse; iedoch mocht er sie
sonst von des unziffers wegen im haus wol haben, doch
25 das sie nit umb in weren. Er pflag die historiam [von] des
bischofs von Brixen katzen zu sagen. Derselbig bischof war
ein edelman von Meckow und het ein liebe katzen. Die
zoch er so maisterlos und so verwent, das sie allwegen ob
disch neben im safs und muest die bösten büsslin ab teller
30 fressen. Uf ein zeit war ain edelman uf der rais, der wolt
zum bischof. Wie es aber die gelegenhait gab, das er bei
nacht mit eim knecht durch ein waldt muest reiten, do hört
er ein grofs gelechter uf eim baum; unfer darvon hört er
etwas reden und fragen, was difs gelechtert bekundet. Sprach
35 das erst wider: »Solt ich nit lachen, seitmals des bischofs
von Brixen katzen die schwiger gestorben?« Der edelman
het es für ein gespöt und liefs es ein redt sein, zoch fort,
kam des ändern tags an des bischofs hof. Wie er nun, vom
bischof geladen, zum imbifs und an der tafel sitzt, ersicht
40 er die katzen. Do erinnert er sich widerumb obgehörter

*
25 von] fehlt in der hs. 34 bekundet] hs. betundet.